

1280 Mai 17 Horstmar.

[23]

Bischof Everhard von Münster genehmigt einen Verkauf an Marienborn.

Nos Everhardus, Dei gratia Monasteriensis episcopus, omnibus presencia visuris notum facimus et tenore presencium recognoscimus, quod Johannes Falconarius, opidanus noster Cosveldensis, in nostra presencia constitutus campum Rosendale nuncupatum, agrum unum et arborem, unam fagum, quos a nobis et ab ecclesia nostra Monasteriensi in feodo tenuit, professus est se dilectis in Christo abbatisse eiusque conventui in Cusvelde ordinis Cisterciensium vendidisse pro decem marcis legalium denariorum Monasteriensium, resignans nobis dicta bona ore et manu ac renuncians omni iuri, quod in dictis bonis habuerat vel habiturus erat, liberaliter et absolute. Nos quoque talem vendicionem ac resignacionem coram nobis factam gratam et ratam habentes de consensu capituli nostri et consilio fidelium nostrorum proprietatem predictorum bonorum in sepedictam abbatissam eiusque conventum transtulimus et eisdem concessimus perpetuo possidendam, testibus hiis presentibus ad hoc vocatis et rogatis: Alardo videlicet provisoro dicti conventus, Gerhardo plebano de Ramesthorpe, Lutberto capellano nostro, sacerdotibus; Henrico dicto Kersecorf et Engelberto de Lon militibus; Ottone Kersecorf tunc iudice nostro in Cusfelde et aliis quam pluribus fide dignis clericis et laicis. In cuius rei fidem et firmitatem presentem cartam supradictis abbatisse et suo conventui tradidimus sigilli nostri munimine roboratam. Datum Horstmare anno Domini M^oCC^o octogesimo, feria sexta post dominicam Jubilate.

Orig. Siegel ab; T. III S. 28 P. 3 Nr. 1. — Kurzes Regest bei Wilmans III, S. 576 Nr. 1101.